



Br: 02-02-1-192-4/18
Sarajevo, 4.06.2018.

N/r direktora

PREDMET: Poziv bh. kompanijama za učešće na Međunarodnom sajmu namještaja imm cologne 2019, Köln - Njemačka, 14-20.01.2019.

Poštovani,

Vanjskotrgovinska/Spoljnotrgovinska komora Bosne i Hercegovine organizira **deveti kolektivni nastup bh. firmi na Međunarodnom sajmu namještaja i interijera imm cologne, Köln (SR Njemačka)**, koji će se održati u periodu od **14-20. januara 2019. godine**.

Paviljon Bosne i Hercegovine ukupne kvadrature **209 m²**, bit će smješten u **Hali 5.1**, gdje se predstavljaju kolektivne izložbe/ nacionalni štandovi zemalja Jugoistočne Evrope, Baltika itd. (Prilozi: Mapa hala imm 2019; Tlocrt hale 5.1).

U bh. paviljonu izlagat će ukupno **7-8 bh. firmi** koje zadovoljavaju **kriterije učešća**. Za predstavljanje bh. firmi i njihovih proizvoda predviđeno je **190 m²**, a preostali prostor namijenjen je za zajedničke potrebe izlagača i organizatora (info-prostor, ostava). Minimalna kvadratura po firmi iznosi **20 m²**, a maksimalna **30 m²** (iznimno i veća, u slučaju manjeg broja prijavljenih firmi koje zadovoljavaju kriterije, ili ako je ostalo slobodnog prostora).

Troškovi koje snosi Vanjskotrgovinska komora BiH su:

- Dio troškova **zakupa prostora**;
- **Ukupni troškovi uređenja štanda BiH (dizajn, izgradnja, transport i montaža štanda)**;
- **Obavezni unos u katalog izlagača Koelnmesse** (u iznosu od **1.100 EUR po firmi**) za sve izlagače bh. štanda;
- **Logistika na štandu** (struja, čišćenje, osvježenje – voda, kafa, sokovi..);
- **Troškovi izrade zajedničkog kataloga bh. izlagača**;
- **Troškovi pripremnih i marketing aktivnosti**.

Troškovi koje snose bh. firme:

- **Participacija u zakupu prostora štanda u iznosu 115 EUR/ m² + PDV (17%)*.**

(* Budući da je V/STK BiH, pored vlastitih, osigurala grant sredstva kroz projekat USAID WHAM za podršku nastupu na sajmu imm 2019, to je na ovaj način povećala subvenciju bh. firmama koje će nastupiti na štandu, tj. dodatno smanjila iznos participacije firmi u odnosu na ranije nastupe.)

- **Troškovi putovanja i hotelskog smještaja** za svoje predstavnike;
- **Troškovi transporta i špedicije svojih eksponata** do Kölna i nazad.

Kriteriji za učešće firmi:

- Firma je **izlagač namještaja proizvedenog u BiH**, i to: **namještaja za opremanje stambenog prostora - dnevna soba, spavaća soba, dječija soba, trpezarija**; **Prednost imaju firme koje proizvode namještaj od masiva i tapacirani namještaj**;



- Firma ima iskustvo u izvoznim poslovima i upošljava barem jednu osobu koja aktivno komunicira na engleskom i/ ili njemačkom jeziku;
- Firma je strateški opredijeljena za izvoz na tržište EU i ima adekvatan kvalitet proizvoda;
- Poželjno je da firma u proizvodnji koristi sirovinu sa FSC FM certifikatom i da posjeduje ili radi na dobivanju FSC CoC certifikata;
- Prednost imaju firme sa većinskim domaćim kapitalom;
- Prednost imaju firme koje su aktivni članovi V/STKBiH (redovno izmiruju obaveze plaćanja članarine), te firme koje izlažu prvi i drugi put na sajmu imm cologne;
- Firma je izmirila finansijske obaveze proizašle iz prethodnih nastupa na sajmovima koje je organizirala V/STKBiH i pokazala je profesionalan pristup prilikom ranijih izlaganja (podjela informacija o rezultatima nastupa sa organizatorom, korektan odnos prema ostalim izlagačima na kolektivnom štandu, i sl.);
- Firma trenutno nema značajne dugoročne poslovne aranžmane i kontinuirane isporuke na tržištu EU;
- Firma je spremna participirati u troškovima vlastitog učešća;
- Firma će na zahtjev V/STKBiH dostaviti podatke o poslovanju (godišnji prihod, izvoz, broj zaposlenih, itd.) u periodu prije i godinu dana nakon nastupa na sajmu, koji će se koristiti u svrhu analize rezultata nastupa;
- Firma je odgovorna za pripremu, pakovanje i transport vlastitih eksponata do sajmišta Koelnmesse i lokacije štanda BiH, te pakovanje i transport eksponata nazad u BiH;
- Firma će osigurati prisustvo najmanje jednog predstavnika cijelo vrijeme trajanja sajma, što uključuje i pripremni period (od 13-21.01.2019.).

Selekcija učesnika

Selekcija uključuje intervju sa ovlaštenim predstavnicima prijavljene kompanije i dostavu dodatnih informacija o firmi (upitnik za evaluaciju, bilansi, slike proizvoda/ eksponata, itd.), te posjetu firmi (obavezno u slučaju ako se prijavljuje prvi put). Maksimalno 8 firmi koje zadovolje kriterije selekcije, bit će pozvane da u kratkom roku izvrše uplatu participacije na račun V/STKBiH po osnovu ispostavljene fakture, čime potvrđuju svoje učešće. Firma koja ne izvrši uplatu participacije do definiranog roka bit će eliminirana, a organizator će na učešće pozvati drugu kompaniju koja zadovoljava kriterije.

Pozivamo Vas da izrazite svoj interes za učešće na sajmu, popunjavanjem priložene **Prijave učešća** koju možete dostaviti putem faksa (033 566 239; 033 214 292) ili skeniranu putem e-maila (lejla.mededovic@komorabih.ba). **Rok za prijavu je 18.06.2018. godine. Kontakt osoba za dodatna pitanja: g-đa Lejla Međedović (033 566 231).**

S poštovanjem,

DIREKTOR

Enes Ališković

- Prilozi: 1. Prijavni obrazac
 2. Mapa hala imm 2019
 3. Tlocrt hale 5.1